

INFORMACIÓN SOLICITUDE MATRÍCULA A TEMPO PARCIAL

DOCUMENTACIÓN QUE SE DEBERÁ PRESENTAR:

- Instancia a decana da Facultade de Turismo solicitando a matrícula a tempo parcial e indicando cal é o motivo que o xustifica. Enlace a la instancia: <https://www.udc.es/es/turismo/a-facultade/administracion/> (Modelo de instancias).
- Documentación xustificativa do motivo polo que se pide a matrícula a tempo parcial (ver artigo 8 da Normativa de Permanencia e Dedicación ao Estudo)
- No suposto 1 do artigo 8 deberase presentar un orixinal da vida laboral.

FORMAS DE PRESENTACIÓN:

1. De forma presencial na Administración da Facultade de Turismo.
2. Por correo electrónico enviando a solicitude ao e-mail: administracion.turismo@udc.gal . Debe enviarse a través do correo institucional do alumno (@udc.es) e, sólo no caso de ter firma dixital, poderáse enviar desde outro servidor de correo.
3. Por correo postal, enviando a solicitude asinada de forma manuscrita a dirección:

Administración Facultade de Turismo
Rúa Lisboa, 7 – andar 1
Campus da Zapateira
15008 – A Coruña

PAZOS DE PRESENTACIÓN:

- No prazo ordinario de matrícula establecido na Normativa de xestión académica (NXA) para cada curso académico.

REQUISITOS: (artigo 8 da Normativa de Permanencia e Dedicación ao Estudo)

Considéranse como sopostos que poden dar dereito a solicitar o recoñecemento da condición de estudante con dedicación ao estudo a tempo parcial os seguintes:

1. *Desenvolvemento de actividades laborais ou profesionais, por conta propia ou allea durante o curso académico, que abrangan un mínimo de 90 días naturais. Esta circunstancia deberá ser acreditada mediante a achega do correspondente contrato de traballo ou nomeamento administrativo, ou da documentación que acredite a condición de empresario ou de traballador autónomo, sendo necesario entregar en todos os casos a documentación xustificativa de estar dado de alta na Seguridade Social ou en réxime equiparable.*
2. *Estar afectado por unha discapacidade física, psíquica ou sensorial, nun grao igual ou superior ao 33%. Deberá acreditarse mediante certificación emitida polo organismo competente para o recoñecemento desta discapacidade.*
3. *Padecer unha enfermidade, ou estar cun tratamento médico, que lle impida realizar estudos a tempo completo. Deberá acreditarse de forma fidedigna mediante o correspondente certificado médico.*
4. *Estar embarazada, ter concedida unha baixa por maternidade ou unha licenza ou permiso por maternidade ou por paternidade, preadopción, adopción ou acollemento dun fillo. Deberá acreditarse de forma fidedigna mediante un certificado médico ou mediante os xustificantes correspondentes.*
5. *Ter fillo/s menor/es de tres anos ao seu cargo, debendo acreditalo mediante a achega da documentación xustificativa desta situación.*

6. *Ter a consideración de coidador principal de persoas dependentes. Esta situación acreditarase mediante a presentación da documentación oficial que a xustifique e/ou a certificación expedida polo organismo competente acreditativa da súa circunstancia como coidador nunha situación de dependencia.*
7. *Ter a consideración de vítima de actos de terrorismo. Esta consideración xustificarse da forma que se indique na Normativa de Xestión Académica que a UDC aprobe para cada curso*
8. *Ter a consideración de vítima de violencia de xénero. Esta consideración xustificarse da forma que se indique na Normativa de Xestión Académica que a UDC aprobe para cada curso.*
9. *Ser maior de 45 anos.*
10. *Acreditar ter dificultades económicas para continuar os seus estudos.*
11. *Acreditar estar matriculado a tempo completo e de xeito simultáneo noutros estudos universitarios ou superiores (conservatorios superiores, etc) externos á Universidade da Coruña.*
12. *Ter a consideración de deportista de alto nivel ou de deportista de alto rendemento; debendo acreditalo mediante a achega da documentación que acredite esta condición.*
13. *Desempeñar labores de representación estudantil ou de cooperación e voluntariado. Esta circunstancia acreditarase a través da certificación da correspondente oficina da Universidade ou, no seu caso, daquela organización na que desenvolva o seu labor.*
14. *Estar incluído no ámbito de aplicación dun convenio subscrito con outras universidades que contemplen esta situación, para garantir a mobilidade dos estudantes.*
15. *Aqueloutra situación, que motiven a solicitude de matrícula a tempo parcial, baseadas en cuéntions da organización académica propia de cada título e/ou da situación académica persoal do estudante, de forma que queden suficientemente acreditadas a criterio das comisións académicas e das comisións de selección dos Másteres Universitarios das Facultades e Escolas.*

IMPORTANTE: (Normas que debe ter en conta o alumnado matriculado a TEMPO PARCIAL)

- Número de créditos nos que se ten que matricular (artigo 2.3 da Normativa de Permanencia e Dedicación ao Estudo).

O réxime de dedicación ao estudo a TEMPO PARCIAL ten as seguintes consideracións:

1. *Son estudantes de primeiro curso/primeira vez, con dedicación ao estudo a TEMPO PARCIAL aqueles aos que se lles autorice a efectuar a súa matrícula neste réxime, que nunca poderá ser inferior a 24 créditos, nin superior a 48, tras acreditaren que se atopan nalgún dos supostos que se enumeran no artigo 8 desta norma e de acordo cos procedementos establecidos nos artigos 7 e 9.*
 2. *A Comisión Académica de cada Facultade ou Escola será o órgano encargado de resolver as solicitudes en base ás circunstancias acreditadas polos solicitantes, sen que en ningún caso o número de solicitudes autorizadas poida superar o 15% do número de prazas que se ofertan a primeiro curso en cada ano académico. Por conseguinte, establecerase un sistema de selección que, en calquera caso, terá en conta a nota de acceso e/ou a nota de admisión á Universidade. No suposto de que non se cubrixe na súa totalidade a oferta de prazas realizada, non sería necesario establecer ese límite para o réxime de matrícula a tempo parcial; porén deberá respectarse en todo caso o número de prazas que se ofertan a primeiro.*
 3. *Son estudantes de continuación de estudos, con dedicación a TEMPO PARCIAL, aqueles que realicen unha matrícula que nunca pode ser inferior a 24 créditos, agás que lles reste un número inferior para rematar os seus estudos, nin superior a 48 créditos. A Comisión Académica de cada Facultade ou Escola será o órgano encargado de resolver as solicitudes en base ás circunstancias acreditadas polos solicitantes, tras acreditarse que se atopan nalgún dos supostos que se enumeran no artigo 8 desta norma e de acordo co procedemento establecido no artigo 9.*
- Número de créditos que debe superar e como se computan (artigo 3 da Normativa de Permanencia e Dedicación ao Estudo / Normativa de desenvolvemento).
1. *Os estudantes de primeiro curso, por primeira vez, deberán superar nese curso académico polo menos 12 créditos, se á matrícula se efectuou no réxime de dedicación a tempo completo, e 6 créditos no réxime de dedicación a tempo parcial para poder ter a consideración de estudantes de continuación de estudos na mesma titulación no curso académico seguinte.*
 2. *De non cumprirse este requisito, o Decano/a/Director/a do Centro, previa petición do alumno, poderá admitir de novo a matrícula no seguinte curso académico, pero neste caso o alumno deberá superar un mínimo de 36 créditos obrigatorios do primeiro curso para matrícula a tempo completo, e 18 créditos obrigatorios no caso de tempo parcial.*

3. Os estudantes de continuación de estudos, matriculados a tempo completo deberán superar un mínimo de 60 créditos cada tres cursos académicos.
4. Os estudantes de continuación de estudos, matriculados a tempo parcial, deberán superar un mínimo de 30 créditos cada tres cursos académicos.
5. Aquel estudante que non cumprise os requisitos mencionados nos apartados 1,2 e 3 anteriores, non poderá proseguir os mesmos estudos na UDC. Non obstante poderá cambiar de universidade e/ou de titulación conforme se dispón no artigo 11 desta Norma.

NOTA: Os estudantes con dedicación de matrícula a tempo parcial teñen a posibilidade de facer solicitude de dispensa académica, naquelas materias nas que así teñan esa consideración na memoria do grao https://www.udc.es/export/sites/udc/filo/galeria_down/calidade/Memorias_de_verificacion/MemoriaFinal_2020.pdf_2063069294.pdf. Deberán cumprir con algún dos supostos que marca á Normativa de Permanencia e Dedicación ao Estudo.